

Poziv na učešće u anketi o prehrambenim navikama stanovništva u Bosni i Hercegovini



Poštovani,

Federalni zavod za statistiku ima zadovoljstvo pozvati Vas na učešće u anketi o prehrambenim i životnim navikama odraslog stanovništva u BiH koja će se provoditi u periodu novembar 2016. – novembar 2017. godine, uz stručnu i naučnu podršku naučnika sa **Univerziteta Harvard** (Boston, SAD).

Anketa ima za svrhu prikupiti podatke koji će služiti za uspostavu sistema praćenja indikatora kvalitete življenja i prehrane u BiH, te za **unapjeđenje kvalitete života stanovnika Bosne i Hercegovine i njenih budućih generacija**.

Vaše učešće od presudnog je značaja za uspješnost ankete, jer se samo uz pomoć kvalitetnih podataka mogu formirati argumenti za ulaganje u suzbijanje škodljivih efekata savremenog načina življenja. Vaše domaćinstvo, odabrano slučajnim izborom iz baze Federalnog zavoda za statistiku sa skoro 1,000 drugih domaćinstava u FBiH, predstavlja hiljade Vaših sugrađana i vjerujemo da ćete prihvatiti poziv za učešće u navedenoj Anketi.

U Anketi je poželjno da učestvuju jedan ili dva odrasla člana domaćinstva (jedna muška i jedna ženska osoba). Pomno odabrani Anketari pomoći će Vam, objašnjenjima svrhe Ankete, da voljno prihvatite poziv za učešće u Anketi i Anketarima pružite odgovore na pitanja o Vašoj prehrani i drugim životnim navikama.

Anketa ima dva dijela: prvi dio se odvija u Vašem domu, i uključuje pitanja o životnim navikama i antropometrijskom i zdravstvenom statusu, uz intervju o prehrani, dok se drugi dio obavlja putem telefona nekoliko dana ili sedmica kasnije (anketar će Vas nazvati u vrijeme kada Vama odgovara) i uključuje samo pitanja o prehrani u trajanju od oko 20 minuta.

Svi prikupljeni odgovori biće tokom samog procesa njihovih prikupljanja deindividualizirani (označeni šifrom, bez uključivanja imena i kontakt-detalja ispitanika) tako da se iz podataka ni na koji način neće moći utvrditi identitet ispitanika. Zavod za statistiku i njegovi Anketari strogo se pridržavaju principa tajnosti individualnih podataka.

Ovlašteni anketari nose iskaznicu sa fotografijom i oznakom Federalnog zavoda za statistiku. Anketar će odgovoriti na Vaša pitanja. Provjeru ili dodatna pitanja možete postaviti putem telefona Federalnog zavoda za statistiku 387 33 220 554 (9-16h), mobitela na 387 62 996 404 (9-20h), ili emaila na selma.gicevic@fzs.ba. Kontakt-osoba je m.sc. Selma Gičević.

Zahvaljujemo Vam na učešću u ovom važnom istraživanju i želimo svako dobro!

Dr. Emir Kremić
Direktor
Federalni zavod za statistiku